



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1692.

**urn:nbn:de:hbz:466:1-29436**

Sabaudici munitissima quæ, integras olim Turcarum vires sub Solymano fregerat. Ab obsidione tamen Cunei turpiter fugantur, impedimentorum etiam parte derelicta, ne cum Eugenio Sabaudia Principe ad ferendas suppetias celerante pugnam conferere cogerentur. Eisdem extorta ab Electore Bavariæ; copiarum Cæsarianarum Duce supremo, Fossanum, Savilianum & Saluciæ; & paulò post etiam Carmaniola cum ingenti commeatum copia, quam ibidem Galli coacervârant.

Res & ditio omnis Regis Jacobi in Hybernia redacta hoc anno est ad angustias unius Limericæ, quæ demum & ipsa longa obsidione fatigata se dedidit Guinkelio *Duci Wilhelmano* 6 Octobris.

Mense Decembri renunciatus est à Rege Hispaniæ Carolo Belgii catholici Governator perpetuus Maximilianus Emmanuel Elector Bavariæ, cum ea omni in rebus gerendis authoritate, quâ absolutus Regionis Dominus uti possit. In pensionem mensuatâ eidem assignata 70000 Imperialium.

ANNUS 1697.

**T**Andem etiam Varadinum majus, inter præcipua Hungariæ munimenta, posita per-

pervicaciâ cervicem Leopoldo submitit, quanto hujus gaudio, & aulae Caesareae plausu, tanto Turcarum luctu, & mœrore Rebellionum Hungarorum, quorum inquietum genium, impiamque nova semper moliendi libidinem multum retudit jactura Varadini. Viennæ solenni ritu collata investitura noni Electoratûs cum annexo officio ac prerogativa S. R. I. Archi-Vexilliferatûs Ernesto Augusto Duci Hannoverano, & Episcopo Osnabrugensi.

Iterum felix in Belgio Rex Christianissimus. Namurcum, civitatem & arcem munitissimam mensis unius, & aliquot dierum oppugnatione accurrima in potestatem redigit, & paulò post in campo Steinkirchano confœderatos ad receptum cogit. Minus felix in partibus Sabaudorum, quorum direptioni, amisso Embruno & aliis nonnullis locis, coactus permittere Delphinatum. Infelicissimus in Oceano, ubi ornatissima Gallorum classis disjecta strage planè fatali à Riissello Archithalasso Anglico. Concremata navigia 56. capta 19. periêre classiariorum 6000. duo millia venêre incensum captivorum. Grande vulnus felicitatis Franciæ, cui vix pluribus annis medela afferri potuit.

Parisus

Parisiis grandis ex ære statua 80000, dedicata est gloriæ Ludovici Regis Christianissimi.

Exeunte Decembri frustra oppugnata fuit à Tallardio Rheinfelsa arx egregiè munita ad Rhenum, ad sita oppido S. Goaris; jam occupatis munimentis exterioribus muris imminuebant Galli, cum ab erumpentibus die postero magnâ alacritate Hassis, & munimenta & arcem, solutâ non sine magnâ suorum clade obsidione, deserere coguntur.

Tandem Deo auspice, & indefesso studio PP. Missionarium Soc. Jesu impetrata, & permissa est Sinis omnibus Christianæ religionis libertas, solenni que decreto promulgata Peckini, in urbe regia, die 5 Lunæ 2 anno imperantis Khambu Imperatoris 31. à fundatione Imperii Tartaro-Sinici 49. à conditâ Sinarum Monarchiâ 4644 à primo Christianæ fidei ingressu in Sinas (juxta id quod refert in Provincia Xeusi erecta Pyramis) 1056. à morte S. Xaverii ad portas Sinarum 140. à fundatione Missionis Sinensis per PP. Soc. Jesu 109. anno Christi 1692. die 22 Martii. Decretum hanc libertatem concedens ita habet:

*Supremus Tribunalis Rituum Praeses C.*  
*parax*

patay & ceteri mecum iudices, obediri Ma-  
jestatis tuae mandato, super negotio proposito  
nostram sententiam proferimus.

Nos omnes rem sedulo discutientes ac exa-  
minantes invenimus, quod illi viri Europaei  
(PP. Soc. Jesu) invitati famam virtutum ma-  
jestatis tuae plura dena stadiorum millia, ac  
immensum prope mare emensi sunt, ut huc per-  
venirent. Hi vero Mathematica Praefectu-  
ram nunc obeunt, & Astronomiam diri-  
gunt; tempore bellorum conflandis machinis  
graviter incubuerunt: Missi ad Moschos  
egregiam operam sinceramque navarunt, effi-  
cientes, ut negotium de pace feliciter conclu-  
deretur. Sane illorum merita plurima & ma-  
gna sunt; ipsi etiam Europaei, & alij eorum  
socy, qui in singulis habitant Provinciis mali  
nihil omnino operantur, nullas excitant per-  
turbationes. Tartarorum sacerdotes, uti &  
Bonziy Sinenses sua habent fana, & permitti-  
tur omnibus, ut illa adeant, & ibi veneratio-  
nem exhibeant ihura cremantes. E contra ve-  
ro Religio Europaeorum (quibus nihil mali  
imputari potest) prohibita jam fuit in hoc im-  
perio. Quod quidem videtur a ratione alienum.  
Par igitur est, ut in omnibus Provinciis eorum  
templa, sicut antea semper factum est, conser-

ven-

ventur, & omnibus secundum antiquam consuetudinem permittatur Religionem Christianam profiteri, & templa adire prohibitione omnino sublata. Hanc sententiam nostram subjicimus majestatis tue arbitrio, ac judicamus, si ita annuat, eam in omnibus Provinciis promulgandam. Khamhii anno 31, Luna 2, die 3.

Subscriptio facta ab Imperatore fuere duo characteres Sinici, quorum sensus est: *Assentior consulto. Ita Relatio P. Josephi Suarj Lusitani Collegij Peckinensis Rectoris missa in Europam.*

ANNUS 1693.

**M**Ultum hoc anno laboratum Romæ ab Estræo & Jansonio Cardinalibus Gallis de tollendis dissidiis, quibus nuper involutæ aulae Pontificia & Francica per causam Lavardini & Comitiam Cleri Gallicani, nec sine fructu; præsentatis ad infulas Gallicanas confirmationem pollicitus est Pontifex eâ lege, si submissionem debitam erga sanctam Sedem & pœnitudinem de actis in Comitibus Cleri Gallicanis fuissent restati.

Viennæ in foro erecta elegantissima ex marmore candido Pyramis, altitudine pedum